

ФУҚАРОЛИК ЖАМИЯТИНИНГ АСОСИ

Шаҳар прокуратураси томонидан кам таъминланган оилаларга нафақа, моддий ёрдам тайинланиши ўрганилганда, ҳудуддаги "Маданият" маҳалла фуқаролар йиғинида муҳтожлар қолиб, ўзига тўқ хонадонларга нафақа тайинлангани аён бўлди.



4 бет

ИЧКИЛИККА БЕРИЛГАН ЎФИЛ

— Ўв, бобой!! Оғзим бор деб гапираверасанми, — дея ўдагайлаганча отасига қўл кўтарган нобакор фарзанд спиртли ичимлик таъсирида падарини тепкилай бошлади. Уйда бўлаётган тўс-тўполонни кўриб, ҳайратдан қотиб қолган Муродбек бобосини отасининг қўлидан қўтқариб қололмади.



9 бет

Mustaqillik huquq demakdir

Ўшқшқ

1997-yil 27-avgustdan chiqa boshlagan www.huquq-gazeta.uz 2016-yil 31-mart, №13 (1002)

O'ZBEKISTON RESPUBLIKASI BOSH PROKURATURASINING NASHRI

Бош прокуратурада

Расмий сайт тақдироти

Ўзбекистон Республикаси Бош прокуратураси расмий сайти — www.prokuratura.uzнинг янги версияси тақдироти бўлиб ўтди. Унда Олий Мажлис Қонунчилик палатаси депутатлари, Адлия, Ахборот технологиялари ва коммуникацияларини ривожлантириш вазирликлари, бошқа идора ва ташкилотлар вакиллари, оммавий ахборот воситалари ходимлари иштирок этди.

Гулноза РАХИМОВА,
Бош прокуратура Матбуот хизмати бошлиғи

расида барча йўналишларда амалга оширилаётган ишларни ошқор қилиш жамиятда ҳуқуқий маданиятни юксалтиришда муҳим аҳамият касб этади.

Шу мақсадда прокуратура органларининг расмий сайтини яратиш устувор аҳамиятга эга бўлиб, бу эса фуқароларнинг ахборотни эркин олиш ва тарқатишга доир конституциявий ҳуқуқларини амалга ошириш ҳамда ахборот ресурсларидан эркин фойдаланишини таъминлайди.

Юқоридагиларни инобатга олиб, Ўзбекистон Республикаси Бош прокурорининг 2008 йил 2 октябрдаги "Ўзбекистон Республикаси Бош прокуратурасининг расмий сайтини яратиш ва унинг узлуксиз ишлашини таъминлаш тўғрисида"ги буйруғи асосида, 2005 йил 22 ноябрдаги Вазирлар Маҳкамасининг "Ахборотлаштириш соҳасида норматив-ҳуқуқий базани такомиллаштириш тўғрисида"ги Қарорида белгиланган тартибда Бош прокуратуранинг расмий сайти яратилган эди. Кейинчалик веб-сайт бир неча маротаба турли хил бўлимлар билан тўлдирилди ва 2013 йилда янги платформа асосида янги версияси ишлаб чиқилди.

(Давоми 6-бетда)

ТАЙИНЛОВ

Ўзбекистон Республикаси Бош прокурорининг 2016 йил 29 мартдаги буйруғига асосан Облоқулов Шерзод Соатқулович Сирдарё вилояти прокурори лавозимига тайинланди.

Ш.Облоқулов 1980 йилда Навоий вилоятида туғилган. Маълумоти олий, 2002 йилда Тошкент давлат юридик институтини тамомлаган. У дастлабки фаолиятини Навоий вилояти Кони-мех туман прокуратураси терговчиси лавозимида иш ўрганувчиликдан бошлаб, 2003 йилдан мазкур туманда терговчи, 2005 йилдан Навоий вилоят прокуратурасида бўлим АМИБ терговчиси, 2006 йилдан Хатирчи туман прокурорининг ўринбосари лавозимларида меҳнат қилди. Ш.Облоқулов, 2007 йилдан Ўзбекистон Республикаси Бош прокуратурасига ишга ўтиб, бошқарма прокурори ҳамда бошқарма катта прокурори лавозимларида ишлади. 2011 йилдан Хатирчи туман прокурори, 2013 йилдан ҳозирги пайтгача Жиззах вилоят прокурорининг биринчи ўринбосари лавозимида фаолият юритган.



Ватанга содиқлик қасамёди

Тошкент Олий умумқўшин кўмондонлик билим юртида муддатли ҳарбий хизматни ўташни бошлаган аскарларнинг тантанали ҳарбий қасамёд қабул қилиш маросими бўлиб ўтди.



Тадбирда давлат ва жамоат ташкилотлари вакиллари, Ўзбекистон Республикаси Мудофаа вазирлиги ҳузурдаги Жамоатчилик кенгаши аъзолари, ҳарбий хизматчиларнинг ота-оналари ва оммавий ахборот воситалари ходимлари иштирок этди.

Ҳарбий қасамёд қабул қилиш Ватан ҳимоячилари сафига қўшилиб бўлган ҳар бир ўғлон ҳаётида унутилмас воқеадир. Президентимиз Ислам Каримов пойтахтимиздаги

"Ватанга қасамёд" монументининг тантанали очилиш маросимида таъкидлаганидек, ориятни, гурур ва садоқатни ҳамма нарсадан устун қўяди-ган бизнинг халқимиз учун ҳарбий қасамёд — бу шунчаки расмий тадбир эмас, балки йигитлик шаъни, ору номусини ўртага қўйиб, ўз зиммасидаги масъулиятни ва шарафли бурчини адо этишга бел боғлаб, ахду паймон қилиш маросимидир.

— Ўғлимни кузата туриб, фарзандим Ватан ҳимоячиси бўлганидан қалбимда чексиз фахр туйғусини ҳис қилдим, — дейди андижонлик Мансуржон Сидиқов. — Ўзим фермерман, "Нурилло" фермер хўжалигига раҳбарлик қиламан. Жамоамизнинг ақсарияти ўғлим тенги шижоатли, меҳнатсевар йигитлар. Уларнинг кўнчилиги муддатли ҳарбий хизматга масъулият билан тайёргарлик кўрмоқда.

ЎЗА

Тадбир

Касб маҳоратини ошириш йўлида

Ҳарбий суриштирувчиларнинг касбий маҳорати ва малакасини ошириш, терговга қадар текширув ҳамда суриштирув ўтказишда жиноят-процессуал қонунчилиги талабларига оғшимай рияз этилишини таъминлаш Қўролди Кучларда ҳуқуқбузарликларни профилактика қилиш, жиноятчиликка қарши кураш ва олдини олишда муҳим аҳамиятга эга.

Шу муносабат билан, тасдиқланган режа асосида ҳарбий прокуратура органлари томонидан тегишли мутахассисларни жалб этган ҳолда, назорат ҳудудида жойлашган ҳарбий қисм ва муассасаларнинг суриштирувчилари иштирокида уларнинг қонунчилик талабларини амалда қўллашга доир билим ва кўникмаларини оширишга қаратилган ўқув-семинар машғулоти мунтазам равишда ўтказиб келинмоқда.

Жумладан, суриштирув органлари ва суриштирувчилар фаолиятида жиноят-процессуал қонунчилиги талабларига қатъий рияз қилинишини таъминлаш мақсадида Республика Ҳарбий

прокуратураси ва Тошкент ҳарбий округ ҳарбий прокуратураси томонидан шу йил 23-24 март кунлари Тошкент ҳарбий округи ҳудудидаги ҳарбий қисм ва муассасалар суриштирувчилари иштирокида семинар машғулоти ташкил этилди.

Мазкур тадбирлар 23 март кунини Тошкент Олий ҳарбий-техника билим юртида ушбу таълим муассасасининг ҳарбий суриштирувчилари билан, 24 март кунини эса Тошкент Олий умумқўшин кўмондонлик билим юртида Мудофаа вазирлиги, Фавқулодда вазиятлар вазирлиги ва МХХ Давлат чегараларини ҳимоя қилувчи кўмитасининг Тошкент ҳарбий округи ҳудудида жой-

лашган ҳарбий қисм ва муассасаларининг ҳарбий суриштирувчилари иштирокида ўтказилди.

Республика Ҳарбий прокуратураси, Тошкент ҳарбий округ ҳарбий прокуратураси ходимлари, Мудофаа вазирлиги марказий суд тиббий ва патология анатомия лабораторияси экспертлари томонидан олиб борилган семинар машғулотида конституциявий мезёрлар ва таъминларни ҳаётга таъбиқ этиш, фуқароларнинг ҳуқуқлари ва эркинликларини тўла таъминлаш борасида ҳамда суд-ҳуқуқ тизимида ўтказилган кенг маърузи ислохотлар мазмун-моҳияти қароғузачилар томонидан ёритиб берилди.

Шунингдек, жиноятга оид аризалар, хабарлар ва бошқа маълумотларни рўйхатга олиш, кўриб чиқиш ва ҳал қилиш, терговга қадар текширувлар ва суриштирув ўтказиш жараёнида суриштирувчиларнинг ваколатлари, шунингдек, қонун бузилиши ҳолатларининг

Дилмурод ҲОЗИЕВ,
Тошкент ҳарбий округ ҳарбий прокурори

олдини олишда эътибор қаратиш лозим бўлган масалалар ҳусусида атроф-лича тушунтиришлар берилди.

Тадбирларда ҳарбий суриштирувчиларга республикамизда янги қабул қилинган қонунлар ва қонунчиликка киритилган охириги ўзгартиш ва қўшимчаларнинг мазмун-моҳияти етказилиб, амалий кўникмаларни мунтазам равишда бойитиб бориш бўйича ўзаро фикрлар алмашилди. Машғулотлар давомида иштирокчиларга фаолиятни янада такомиллаштиришга қаратилган услубий тавсиялар берилди.

Ўтказилаётган бундай ўқув-семинар машғулоти ҳарбий қисм ва муассасаларда хизмат қилаётган ҳарбий суриштирувчиларнинг назарий билим ва касбий маҳоратларини янада оширишга хизмат қилади.

Айрим болалар тақиқланган ишни такрорласалар, уларни "ҳали ёш бола-да", деб оқлаб қўя қоламиз. Аксинча, эс-хушини таниган, оилали, бошқаларга ўрнак бўлаётган ёшлагимиз кимсалар ўз хатоларидан тегишли хулоса чиқармасликларини оқлаш мумкин-ми?!

Кўнги ўртанаверса...

Сарвар АХМЕДОВ,

Тошкент шаҳар прокуратураси бўлим прокурори

Сафар Раимов (исм-фамилиялар ўзгартирилган) муқаддам бир неча мартаба судланган бўлиб, жазони ўтаб бўлгандан сўнг ҳам ўзига тегишли хулоса чиқармасдан, яна жиноят содир қилди. У 2015 йилнинг май ойида пойтахтимизнинг Мирзо Улуғбек туманида жойлашган телефон таъмирлаш хусусий устaxonасида фуқаро Азиз Абдувалиев билан танишиб қолади. Ўхшатмасдан учратмас, деганларидек истак-хоҳишлари ўхшаш шерик топганидан С.Раимовнинг чехраси ёришади. Улар ўзлари истеъмол қилиш учун героин гиёҳвандлик моддасини сотиб олиш мақсадида ўзаро 40 минг сўмдан пул йиғишади. С.Раимовнинг бу борада "тажрибаси" бўлгани боис у Олмазор тумани худудида жойлашган "Нукус" кинотеатри олдига ўзининг эски таниши "Ботир" исмли шахсдан 80 минг сўмга героин сотиб олади. Сўнг А.Абдувалиев билан бирга Миробод туманига келиб, ҳар иккаласи ҳам ушбу захри қотилни истеъмол қилишади.

Ана шу жараёнда улар шубҳали хатти-ҳаракатлари туфайли ҳуқуқни муҳофаза қилувчи орган ходимларининг эътиборига тушадилар. Кўчада кетаётган А.Абдувалиев ва С.Раимовлар тўхталиб, ҳолислар иштирокида текширувдан ўтказилади. Тинтув жараёнида А.Абдувалиевнинг чўнтағидан суюқлик моддаси мавжуд бўлган, бир мартаба ишлатилган бир дана 2 миллиграммлик шприц ашёвий далил сифатида олинди.

Судга оид ўтказилган экспертизанинг хулосасига кўра, А.Абдувалиевдан ашёвий далил сифатида олинган 2 миллиграммлик шприц ичигада суюқлик "героин" эритмаси эканлиги аниқланди. Ушбу ҳолат юзасидан жиноят иши кўзга тушиб, суриштирув ва тергов ҳаракатлари олиб борилганда уларнинг қилмишлари фош бўлди.

Мақзур ишни кўриб чиққан жиноят ишлари бўйича Миробод туман суди бу кимсаларнинг айбига яраша жазо тайинлаб, ҳукм чиқарди.

Ўзи емай едириб, киймай-кийдириб, "болам кўпдан кам бўлмасин", дея елиб-югуриш миллатимизга ҳос фазилат. Тўйлар қилиб, йиғиб-йиғиштирганнингизни сарфлаб қўйсангиз ҳам оғринмайсиз. Бир жихатдан бу одати ҳолдек туюлади. Аммо йиллар ўтиб, фарзандингиз улғайганда, сизга меҳр-оқибат кўрсатиш ўрнига қаҳр-газаб тошини отса-чи?! Ўшанда тарбия масаласи ёдингизга тушиб қолади. "Қаерда хато қилдим?", деган савол пайдо бўлади. Бироқ энди кеч. Гишт қолипдан кўнган, орқага эса йўл йўқ.

Меҳри момо билан Зоҳид ота (исм-фамилиялар ўзгартирилган) 2 нафар фарзандларни яхши ниятлар билан вояга етказишди. Қизлари Мукаррам турмушга чиқиб, ўзидан тинди. Яхши жойлардан келин таллаб, ўғиллари Маратни ҳам уйлантиришди. Марат автомобилларни таъмирловчи кўли гул уста.

Аммо фарзандлик бўлди-ю, Марат айниди, ичкиликка ружу қўйди. Хонадондаги тинчликка шу билан путур ета бошлади. Кунда-кунора ичиб келиб, ота-онаси, хотини-ю боласини ҳам кўчага ҳайдаб, жанжал кўтарадиган ўғилни на кўни-кўшни, на маҳалла-кўй тартибга сола олди. Эркак

Ичкиликка берилган ўғил

киши уйнинг устунни, агар шу таянч омонат бўлса, демак, бу хонадонда ҳамма нарса омонат, дейишади.

Вақт югуриб. Йиллар шу зайл ўтаверди. Ўғли вояга етиб, уйланганда, Маратнинг хотини Насиба бироз хотиржам бўлди. "Келин қилдик. Ҳадемай ўзимиз ҳам бобо-буви бўламиз. Балки энди келиндан уялар", деган уйга борди. Афсуски, Маратнинг сочларига оқ ораласа-да, арақдан кўнгли уза олмади. У энди кексайиб қолган ота-онасига қувват бўлиш, уларни асраб-авайлаш ўрнига, кучлироқ азоб бера бошлади.

2015 йилнинг 14 август кунни танишларидан бирининг машинасини таъмирлаб берган Марат қўлидаги пулга қараб турди-да, кўз ўнгидан оиласи, фарзандлари, невараси, ёшини яшаб қўйган ота-онаси эмас, балки шиша ичида жилва қилаётган спиртли ичимлик намоён бўлди. "Қил" этиб ютинган кўйи йўл устидаги савдо дўконлардан бирига кирди.

Икки шиша пиво олиб, йўл-йўлакай ичиб тутгиди. Озгина юргач, яна хумори туғди. Бу сафар бир шиша ароқ ва газак учун қолбаса харид қилди. Уни ҳам четроққа ўтиб, паққоз туширди. Бу пайтда оила аъзолари хавотирда эди. Айниқса, кексайганда қолган умрини хотиржам ўтказиш орзусида бўлган

Рашк сабабли

Судланувчи айбига тўлиқ иқрор бўли. Фарзандларининг келажagini эътиборга олиб, енгиллик беришни сўради. Ҳолбуки, бу кимса болаларига бепарқ, суд томонидан уларнинг таъминоти учун тайинланган алимент пулларини икки ярим йил мобайнида тўламай келган, рашк ўтида ўз ёғига қовуришдан ортмагани. Айнан беҳуда, асосиз рашк туфайли оиласи бузилиб кетгани.

Анваржон АДҲАМОВ,
Фаргона вилоят прокуратураси
бўлим прокурори

Рафикасининг кўл телефонидаги рақамни терди. Нотаниш йиғит овози...

— Нега хотиним билан гаплашиб юрибсан?

— Кимсиз, рафикангиз ким? Иш бўйича телефон қилгандир?

— Қанақа иши бўлиши мумкин? Топиб, соғ қўймайман сени...

Сўнгра рафикасини исканжага олди.

— Ким билан топишиб олдинг?

— Телефон рақамимни янглишиб терган.

— Икки-уч марталаб янглишадими?..

— Ўзингиз ҳам неча марта "адашиб терибсиз, мени рақамимни", дегансиз-у!

У бироз ҳовуридан тушгандай бўлди. Бироқ кўнгли қоралигича қолди. Кайфи тароқлигида болаларининг кўз ўнгида "Айт, ким у? Гўрга тикаман, икковингни", дея Ойдинхонни (исм-фамилиялар ўзгартирилган) ҳақоратлаб, урушга одатланди. Аёл "Тўхмат қилаверманг. Тўхмат балосига қоласиз", деявериб чарчади. Уч нафар фарзанди билан ота-онасининг уйга кетиб қолди. Судга мурожаати қаноатлантирилиб, турмуш ўртоғи болаларининг таъминоти учун алимент тўлай бошлади. Аёл энди ажрашиш учун судга ариза берди. Обиджон "ажралмайман" деб оёғини тираб олди.

Кайнотасиникига қатнади. Узр сўради. Ойдинхон фарзандларини ўйлаб, кечирди. Ярашиб, Қўкон шахридаги келин бўлиб тушган ҳовли уйда бирга яшай бошлашди. Бироқ шубҳа-гумон Обиджоннинг ичини кемираверди. Яна сў-

роқ-савол, тагин уруш-жанжал... Тўрт йилдан буён давом этаётган можаролардан Ойдинхоннинг тоқати тоқ бўлиб, этагини қоқди. Бироқ кекса ота-онасининг дилини яна вайрон қилишни, уларнинг қарамоғида ўтиришни истамади. Сўраб-суриштириб, кўп қаватли турар жой биносидан ижарада яшаб туриш учун уй топиб, кўч-кўронини йиғиштириб кетди.

МЧЖлардан бирида бог-бонлик қилаётган Обиджон алимент пулларини тўламай қўйганди. У қирқ беш ёшга кирган, ишончидан қолган ра-



фикаси билан қонуний никоҳини бекор қилдириб ажрашиши, бошқа бирон аёлга уйланиб олиши мумкин эди. Бироқ бунинг ўрнига у ҳамон рашк ўтида жизганак бўлиб, тунари рафикаси яшаётган биринчи қаватдаги хонадоннинг деразаси ёнида турли хаёллар билан пойлоқчилик қилаверди.

Ойдинхон амал-тақал кун кўриб юрган кезлари Бокижон исмли йиғит унга совчи қўйди. Болаларимга қарайди-ку, деган уйда аёл унинг тақлифи қўнди. Шаръий никоҳ ўқитиб, ўша ижара уйда бирга тура бошлашди.

Обиджон кўчада Бокижон-

нинг йўлини тўсди. "Бу хонадонга қадам қўйсанг, ўлдирман", дея огоҳлантирди. Ёқалашган йиғитларни ажратиб қўйишди. Бир неча кун ўтиб, кечкурун Обид Ойдинхоннинг кўл телефонида кўнгириқ қилди. Аёл телефонини ўчириб қўйгач, тунги соат учда пичоқни чангаллаб, собиқ хотини яшаётган бино томон йўл олди. Биринчи қаватдаги хонадон ётоқхонасининг очик деразаси пардасини суриб, ичкарига қаради. Қараотда Боки билан Ойдин ухлашаётган эди. Ваҳшийга айланган Обид деразадан ичкарига тушди. Уйкудаги аёл ва йиғитга қайта-қайта пичоқ санчавтерди. Бақир-чақир уйғотиб юборган ўғли болалар хона-

сидан югуриб чиқди. Эшик ёнида "Дада! Бўлди!", деб чинқирди. Обид пичоқ билан кўчага чиқиб кетди.

Ойдинхон орғиққа чидолмай додларди. Бокижон болага "Тез ёрдам" чақир", деб хушини йўқотди. Болакай "тез ёрдам"га, сўнгра тоғасига телефон қилди. Афсуски, муолажалар бесамар кетди. Беш-олти мартадан пичоқ санчилиб, оғир жароҳат олган аёл ҳам, йиғит ҳам шифохонада жон беришди.

Суд ҳукмини ўқиди. Қасддан икки инсоннинг умрига зомин бўлган қотилга 22 йил муддатга озодликдан маҳрум этиш жазосини тайинлади.

Ҳамроқул АБДИЕВ,

Бухоро вилоят прокуратураси
бўлим катта прокурори

— қайтар дунё эканлигини на ақлан, на маънан уйлашга қодир эмас, аксинча, ожиз, ароқнинг қулига айланган нотавон кимса эди. Спиртли ичимлик таъсирида отасини тепкилай бошлади. Уйда бўлаётган тўс-тўполонни кўриб, ҳайратдан қотиб қолган Муродбек бобосини отасининг қўлидан қутқариб қололмади.

2015 йил 15 август тонги. Падаркушга тавқи-лаънат тошлари ёғилди. Оқ сут бериб катта қилган ўғилнинг хатти-ҳаракатидан юрак-бағри қонга тўлган Меҳри момо меҳрсиз фарзандининг қўлимишдан адоий тамом бўлди. Эл-юрт, маҳалла-кўй олдига оқибатсиз ўғил ўстиргани учун боши эгилди. Марат-чи?! У энди фарзанд сифатида ҳам, инсон сифатида ҳам ўз қилмишини оқлай олмайди. Чунки падари бузқуворининг қотилига айланган одамни кечирши мумкин эмас.

Жиноятга яраша қонун талаблари доирасида озодликдан маҳрум этилган ўғил бир кун чиқиб келар... Аммо уни оила аъзолари, фарзандлари қандай қутиб олишади?! У қолган умрини виждон азобидида ўтказишга маҳрум этилган.



Зоҳид ота қизининг уйдаги маросим сабаб икки-уч кун қолиб кетган кампирини йўқлигида бешоб ўғил бирор каромат чиқариб қўймайсайди, деган ҳадикда эди. Қутгани бўлди, Марат чайқалганча ҳовлига кириб келди.

— Ҳеч тўзалмадинг, тўзалмадинг-да?! Ахир сен энди нафақат болаларингга, балки неварангга ҳам ибрат бўладиган ёшдасан-ку?! Одам деган шунча меҳнат қилиб, толган пулига шу захри қотилни ичиб келадими?! Афторингга қарасанг-чи?

— Ўв, бобой!! Оғзим бор деб гапираверасанми? Ичсам, ўзимни пулига ичдим. Билдингми?! — ўдағайлаганча отасининг бошига муштини кўтарган нобакор фарзанд айни пайтда бу

Тинчликни асрашга барчамиз масъулмиз

Дунёда тинчликке буюк неъмат йўқ. Шунинг учун ҳам биз ҳамisha огоҳ ва ҳушёр бўлишимиз, ўз уйимизни, муқаддас тупроғимизни кўз қорачигилек асрашимиз лозим.

Хар қайси жамиятнинг салоҳияти аъзоларининг маънавий-ахлоқий камолотига бевосита боғлиқ. Барчага аёни, муқаддас динни ниқоб қилиб олган қораниятли манфур кимсалар айниқса ёшларнинг онги ва қалбини эгаллашга ҳаракат қилишмоқда. Бундайлар дунёқараши мустаҳкам шаклланиб улгурмаган фарзандларимизни тузоққа илинтириб, ўзларининг қабих мақсадларини амалга ошириш йўлида уларни турли қинғирликларга тайёрлайдилар.

Шу боис, ёшларни оғоҳликка чақириш, уларга яхши ва ёмонни ажратиб олишга кўмаклашиш, турли оқимлар ва ҳаракатларнинг салбий таъсирига қарши маънавий иммунитет ҳосил қилиш бугуннинг талабидир. Шу билан бирга, диний ақидапарастлик, экстремизм, миссионерлик ва бошқа шу каби иллатларнинг моҳияти ва аянчли оқибатлари ҳақида батафсил маълумотларни кенг аҳолига етказиш муҳим аҳамият касб этади.

Самарқанд вилоят прокуратураси органлари ҳам тарғибот-ташвиқот ишларини давлат бошқаруви ва ҳуқуқни муҳофаза қилувчи идоралар би-

лан ҳамкорликда тизимли ва босқичма-босқич олиб бормоқда.

Вилоят прокуратурасида ҳокимлик, ҳуқуқни муҳофаза қилувчи идоралар, олий ўқув юртлири, диний ташкилотлар вақиллари иштирокида ўтказилган кенгайтирилган тезкор йиғилишда вилоят прокуратураси ходимлари раҳбарлигида профессор-ўқитувчилар, диний уламолар ҳамда ИИБ ходимларидан иборат 6 та ишчи гуруҳ тузилган. Жойларда шакллантирилган ишчи гуруҳларга бевосита туман-шаҳар прокурорлари раҳбарлик қилишмоқда.

Ишчи гуруҳлар томонидан ҳудуддаги 161 та коллеж ва 14 та академик лицейда, 8 та олий ўқув юртида, қишлоқ ва маҳалла фуқаролар йиғинларида учрашувлар ўтказилди. Уларда одамларга диний экстремизмнинг асл мақсадлари, терроризмнинг оқибатлари батафсил тушунтирилиб, ҳужжатларга асосланган видеофильмлар орқали кўрсатиб берилди.

Жорий йилнинг март ойи давомида яқка тартибдаги тадбиркорлар, ҳунармандлар, хизмат кўрсатиш ва савдо соҳалари вақиллари, айниқса,

Абдуманнон ШЕРАЛИЕВ,
Самарқанд вилоят прокуратураси бўлим бошлиғи ўринбосари

вақтинча ишласандан юрганлар орасида ҳам тарғибот тадбирлари ўтказилди. Шу мақсадда бозорларда, савдо мажмуаларида ва аҳоли гавжум бўлган бошқа жойларда учрашувлар бўлиб ўтди. Хусусан, бундай тарғибот тадбирлари Самарқанд ва Каттақўрғон шаҳарлари, Самарқанд, Пастдарғом, Пахтачи, Нарпай, Тайлоқ, Ургут, Каттақўрғон туманларидаги бозорлар, савдо мажмуаларида учрашувлар, давра суҳбатлари тарзида амалга оширилди.

Жумладан, Самарқанд шаҳридаги "Сиеб", "Дамарик", "Темирйўл", "Табит саховати", "Мармар" бозорларида, "Самарқанд шодийнаси", "Самарқанд Сиеб савдо" савдо марказларида ўтказилган учрашувларда йиғилганларга "Бугунги кун таҳдиди" номли ҳужжатли фильм намойиш этилди.

Бу каби оғоҳлик тадбирларида одамларга бугунги тинч ҳаётимиз, мамлакатимизда ҳукм сураётган барқарорлигимизни асраш нафақат ҳуқуқни муҳофаза қилувчи орган ходимларининг, балки ҳар бир фуқаронинг бурчи эканлигини тушунтириш асосий мақсади-миздир.

Тошкент темир йўл муҳандислари институтида Ўзбекистон Қизил Ярим ой жамияти темир йўл минтақавий ташкилоти, "Ўзбекистон темир йўллари" АЖ Соғлиқни сақлаш хизмати ҳамкорлигида "Соғлом она ва бола йили" муносабати билан ҳар томонлама баркамол авлодни шакллантириш, ёшларнинг маънавий-интеллектуал дунёсини бойитиш, тиббий маданиятини ошириш, табиати севиш, атроф-муҳитни асрашга ўргатиш мақсадида жорий йилнинг 1 мартдан 31 мартга қалар "Экология ва саломатлик ойлиги" ўтказилмоқда.

Огоҳлик ва ҳушёрлик давр талаби

Мазкур ойлик доирасида турли мавзуларда кўплаб тадбирлар ўтказилмоқда. Шундай тадбирлар бири Республика транспорт прокуратурасининг ташаббуси билан ташкил этилди. "Аёллар ўртасида диний мутаассибликни олдин олиш" мавзусида бўлиб ўтган тадбирда ёшларнинг маънавийтини янада юксалтириш, диннинг инсонпарварлик фалсафаси, келажак авлодларни яхшиликка, эзгуликка, савоб ишлар қилишга, ота-онани эъзозлашга, тўғрилиқка ундаш каби мавзуларда маърузалар қилинди. Анжуманда талаба-ёшларни диний экстремизм ва терроризмнинг дунё давлатларига тугдираётган таҳдидидан оғоҳ этишга доир видеороликлар намойиш этилди.

Юртимизда виждон эркинлиги конституциявий асосда тўла-тўқис таъминланган ҳамда диний ташкилотларнинг қонуний фаолият олиб боришлари учун шароитлар яратилган. Таъкидлаш жоизки, тўғри талқин этилган дин кишиларни ҳамisha ях-

шилиқка, эзгу ишларга қорлайди. Жумладан, Ислам дини ҳам юксак инсоний фазилатларни шакллантиришга хизмат қилади. Лекин ушбу муқаддас дин аъналарига мутлақо зид бўлган диний экстремизмнинг гоёвий илдишларини чуқурроқ тушуниб етиш, доимо оғоҳ ва ҳушёр бўлиш замон талабига айлиниб бормоқда. Зеро, Президентимиз Ислам Каримов таъкидлаганларидек: "Халқларнинг табиатида мутлақо ёт бўлган сиёсий, диний экстремизм, ақидапарастлик ва бошқа ёвуз оқимларнинг минтақамизга кириб келиши ва тарқалиши тинчлик ва оқшайликка, фарзандларимизнинг келажакка катта хавф тугдиришини одамлар онига чуқур сингдириб бориш керак. Халқларимиз таваққурида юксак ахлоқий-маънавий қадриятларни қарор топтириш ва мустаҳкамлаш орқали уларни ёвуз кучларга қарши сафарбар этиш зарур".

Гули ҲОЖИБОЕВА,
«Hudud»

Қонуний ишласанг, олам гулистон

/Давоми. Бошланғич 3-бетда/

Хусусан, Тошлоқ туманидаги "Нуржаҳонбегим" фермер ҳўжалиги раҳбари Ш.Каримовнинг аризасига асосан ўтказилган тезкор тадбирда техника назорати инспектори С.Жўраев ҳўжалиқка тегишли "BT-150" русумли тракторни техник кўриқдан ўтказиш ва ҳўжатларни расмийлаштириб бериш эвазига 1 млн. сўм пора талаб қилиб олганида ушланиб, жазонинг муқаррарлиги таъминланди.

Хуфиёна иқтисодийта қарши курашиш, истеъмолчиларга сифатсиз маҳсулотлар сотилишининг олдини олиш бўйича ўтказилган тадбирларда 41 та яширин ишлаб чиқариш фаолиятига чек қўйилди. Шундан 9 та ҳолатда яширин цехларни хомашё билан таъминлаш манбалари фош этилди. Ҳуқуқбузарлардан 266,2 млн. сўмлик маҳсулот, хомашё ва ускуналар олинди.

Бундан ташқари, иқтисодийта салбий таъсир этувчи нақд пул маблағларининг банкдан ташқари айланмасини бартараф этишга эътибор кўчатирилди. Ўтказилган тадбирларда 129,2 млрд. сўм миқдорда ноқонуний нақд пул айланмаси аниқланди. Шунингдек, 32 та ҳолатда хорижий валюта маблағларининг ноқонуний муомалалага киритилиши бартараф этилди. Ноқонуний муомалада бўлган 190,4 минг АҚШ доллари, 27 минг Россия рубли, 10 минг қозоқ тенгеси ва 83,9 млн. сўм олиб қўйилди.

Тезкор-таҳлилий тадбирларда соғлиқни сақлаш тизимида бюджет маблағларини талон-торож қилиш, дори-дармон ва тиббий воситаларни қонуни хилоф равишда ишлаб чиқариш ёки муомалалага киритиш, тамагирлик каби 10 та жиноий қилмиш фош этилди. Шунингдек, таҳлилларда аҳолига электр, табиий газ ва ичимлик суви тўловлари бўйича нореал қарздорлик ноқонуний ҳисобланганидан ташқари, коммунал хизмат идораларининг мансабдор шахслари ва ходимлари томонидан содир этилган 25 та бошқа турдаги қонун бузилиши ҳолатлари аниқланди.

Ҳуқуқни муҳофаза қилувчи идоралар билан ҳамкорликда одам савдосига қарши кураш кўчатирилмоқда. Жиноий қилмишга кўл урган шахслар ва гуруҳларини фош этишга қаратилган тезкор тадбирлар натижасида 5 та жиноят фош этилди.

Бошқарма ва ҳудудий бўлимлар томонидан қонун ва қонуности ҳўжатларига қатъий амал қилинган ҳолда, тадбиркорлар ҳуқуқ ва манфаатларининг ҳимоя қилинишини, солиқ ва бошқа мажбурий тўловлар борасидаги мажбуриятларнинг адо этиб борилишини таъминлаш, қонун бузилишининг олдини олиш борасидаги фаолият самардорлигини ошириш чоратадбирлари амалга оширилмоқда.

Яширилган фарзанд қисмати

Абдусадд АБДУРАЗАКОВ,
Юнусобод туман прокуратураси терговчиси



Жаннат оналар оёғи остида дейишди. Аммо аёллик, айниқса, оналик шайнига доғ туширган баъзи аёлларнинг қилмишини эшитиб, ёқа ушайсиз. Айниқса, дунёга эндигина келган фарзандини мўймай ларомада олтириш мақсадида сотиб, жирканч жиноятга кўл урган аёлларнинг орамизда учраётганлиги ачинарли ҳолатлар.

Орзигул Аҳмадалиева (исм-фамилиялар ўзгартирилган) ҳам ана шундай қабих жиноятга кўл урган аёллардан. Бу кимса 2015 йилнинг июнь ойида Фарғона вилоятидан оила ташқарига билдирмай, яширин тарзда Тошкент шаҳарига келиб, ўзига олдиндан таниш бўлган Замира Ходжаеванинг хонадонига жойлашди ва унга ҳомилдор бўлиб қолганлигини айтиди. Боиси, О.Аҳмадалиева оила аъзоларига билдирмай, бир эркак билан шаръ-

ий никоҳдан ўтиб яшаб юради. Орадан маълум вақт ўтган, аёл ҳомилдор бўлиб қолади. Бу хабар эса боланинг отасига маълум бўлмайди ва орани очик қилиб кетади. Хуллас, бу ҳолатдан унинг оила аъзолари хабари йўқлигини айтиб, З.Ходжаевдан ёрдам сўрайди. Орзигул фарзанди туғилгунига қадар унинг уйда вақтинча яшаб туришга рухсат беришини ёлворади. Замиранинг унга раҳми келиб, ноилжоз рози бўлади.

Август ойида Замиранинг хонадонига таниши Зухра Маликова меҳмонга келади ва О.Аҳмадалиева билан суҳбатлашиб қолади. Орзигул меҳмонга тугилажак фарзандини яши оилага фарзандликка бериши мумкинлигини айтиди.

Октябрь ойида З.Ходжаева Орзигулнинг тўлғоғи бошланғичлиги сабабли уни 2-сонли Тиббиёт Академиясининг туғруқхонасига олиб боради. О.Аҳмадалиева фарзанди туғилган заҳоти ўзининг фарзали ниятини амалга оширмоқчи бўлади. Яъни 10 минг АҚШ доллари эвазига боласини сотиб юборишни режалаштиради.

Орзигул туғруқхонадан чиқиб, жиноий режасини амалга ошириш мақсадида туғилган қиз фарзандини сотиб юбориш учун пойтахтимизнинг Юнусобод туманида Зухра Маликова билан учрашди. Бемехр она қизалоғини Зухрага 10 минг АҚШ долларига сотади. Жирканч савдо амалга ошган эса у З.Маликовага нисбатан ҳеч қандай даввоси йўқлиги ҳақида тилхат ёзиб бераётган вақтда ҳуқуқни муҳофаза қилувчи орган ходимлари томонидан ушланади.

Мазкур ҳолат юзасидан жиноий иш қўзғатилиб, О.Аҳмадалиевага жиноят ишлари бўйича Юнусобод туман судининг ҳўқмига асосан 8 йил муддатга озодликдан маҳрум қилиш жазоси тайинланди.

Қоғозга ёзилган «ҲАҚ»

Қонун — ҳаёт мезони. Унда ҳаёт тарзимиз, биз мақсад қилган, амалга оширишчи бўлган ҳар бир хатти-ҳаракат ифода-лаб қўйилган, йўл-йўриқлари кўрсатилган. Бошқача айтганда, қонун ва қонуности ҳужжатлари бизни ҳар лаҳза яхшиликка етакловчи йўриқномасидир. Мана шу оддий ҳақиқатни Жаҳон тиллари университети қошидаги академик лицей директори-нинг ўринбосари Элмурод Бакиров (исм-фамилиялар ўзгартирилган) теран англамаган экан. У буни тушунганда эди, олий даргоҳда ишлаб туриб, жиноятга қўл урмасди.

Ўтган йилнинг август ойи бошларида академик лицей директори ўқув даргоҳи ходимларини тўплаб, йиғилиш ўтказди. Унда ўқувчиларни лицейга қабул қилиш жараёни тугаганлигини эълон қилди ва бу ҳақдаги буйруқни барчага ўқиб эшиттиради. Э.Бакиров мазкур йиғилишда мажлислар залининг олди қаторларида ўтирган эди.

Хуллас, орадан бир неча кун ўтиб, фуқаро Х.Хайитов жиянини мазкур лицейга ўқишга киритиш учун Э.Бакировга учрашади. Узаро суҳбат жараёнида директор ўринбосари ўқишга қабул қилиш тугалланганлигини айтиб, Х.Хайитовга қонуний маслаҳат бериш ўрнига, фирибгарлик йўли билан уни алдайди.

— Энди дўстим, гап бундай, — узокдан гап бошлади Э.Бакиров. — Лицейимизда ўқиш учун талабгор кўп, қолаверса, бўш ўринлар деярли қолмаган. "Хизмат"имизга кўнсангиз, иложини қиламиз.

Ишорани дарҳол тушунган Х.Хайитов бироз ўйланиб туриб:

— Ака қанча бўлади, жияним шу ерда ўқиса, бўлди, — деди. Э.Бакиров кўрсаткич бармоғини бурнига секин қўйди.

— Секинроқ-де, паст овозда гапирсангиз ҳам эшитаман.

Директор ўринбосари столи устида турган сариқ ёпишқоқ қоғозлардан бирини ажратиб олди-да, унга "1500, кўчма", деб ёзиб, унинг олдига аста суриб қўйди.

— Тушундим, шу билан иш битадими? — дея Х.Хайитов

Шахриддин ЖАББОРОВ,
СВОЖЖДЛҚК департаментининг
Тошкент шаҳар бошқармаси бўлим
бош суриштирувчиси

директор ўринбосарига назар ташлаган эди, у бошини аста кимирлатди.

Х.Хайитов ваъда беришга берди-ю, ўйланиб қолди. Хонадан чиқиб, ўқув даргоҳини тарк этгунига қадар турли хаёллار гирдобидида қолди. Шу вақтда у ўз ҳаракатлари билан қонунларимизни бузаётганлигини тушунди. Шундан сўнг у директор ўринбосарининг ноқонуний хатти-ҳаракатлари хусусида ҳуқуқни муҳофаза қилувчи органларга мурожаат қилди.

СВОЖЖДЛҚК департаментининг Тошкент шаҳар бошқармаси ходимлари томонидан ўтказилган тадбирда Э.Бакиров хизмат хонасида Х.Хайитовдан 1500 АҚШ долларини олган вақтида қўлга олинди.

Жиноят ишлари бўйича Яқкасарой туман суди Э.Бакировга нисбатан қилмишига яраша жазо тайинлаб, ҳукм чиқарди.

Олғир ҳисобчи

Азамат Нуриллаев (исм-фамилиялар ўзгартирилган) Мингбулоқдаги касб-хунар коллежларидан бирини бош ҳисобчи бўлиб ишларди. Унинг вазифасига ишчи-ҳодимларнинг иш ҳақини ҳисоб-китоб қилиш ҳам кирмишини инobatта олсак, ҳар ойда миллион-миллион сўм пуллар "қўлидан ўтади". Ана шу пуллар ақини олдими ёки орадан икки-уч йил ўтиб "тажрибаси ошди"ми, хуллас, 2014 йилнинг март ойидан бошлаб унинг кўнглига эгрлик оралай бошлади.

У коллеж директорининг имзосини сохта-лаштирган ҳолда 2014 йил 1 июлдан 31 декабргача бўлган даврда аслида ишдан бўшаб кетган 12 нафар шахс номидаги пластик карталарга жами 69 млн. 62 минг сўм маблағни тушириб, шахсий манфаатлари йўлида ишлатиб юборди.

Тайинки, ўз-ўзидан киссасига келиб тушаётган пуллар А.Нуриллаевга мойдек ёқаётган эди. Шу боис, 2015 йилнинг февраль ойида ҳам 8 нафар ишчи-ҳодимнинг иш ҳақларидан уларнинг пластик карталарига 2 млн. 108 минг сўм кам тушириб, бу пулларни коллеж ходими О.Абдуллаева ҳамда Г.Асқарованинг пластик карталарига йўналтириб, ўз манфаатлари йўлида ишлатади.

Бундан ташқари, 2015 йил апрель ойида бюджетдан ташқари пенсия жамғармаси Минг-

Тўлқин ДАДАМИРЗАЕВ,
СВОЖЖДЛҚК департаментининг
Мингбулоқ туман бўлими бошлиғи

булоқ тумани бўлимига шу ойда ҳисобланган пенсия ва нафақаларга 1 млн. сўм ортқича талабнома бериб, мазкур талабнома асосида молиялаштирилган маблағни яна бир ҳодим К.Валиев номидаги пластик картага ўтказди-ю, амалда ўзи ишлатиб юборди.

Таассуфки, А.Нуриллаевнинг кирдикорлари шугина эмас экан. У нафси кўйида чин етимларнинг ҳақини еб юборишдан ҳам қўрқмай, уларнинг таъминотига йўналтирилган пулларни ҳам ўзлаштиришга улгурди. 2013-2014 ўқув йилида коллежда тахсил олган собиқ талаба Д.Омонов номидаги пластик картага асоссиз равишда 2015 йил апрель ойида 902 минг сўм чин етим нафақа пули, 2014 йил сентябрь ойида ўзининг пластик картасига 510 минг сўм, 2014 йил декабрь ойида 65 минг сўм ортқича пул тушириб, бу маблағни ҳам "жигилдонига уради".

Ҳар қандай ишнинг дебочаси бўлгани каби интиҳоси ҳам бўлади. Шу маънода, гарчи А.Нуриллаев бир муддат осонгина келаётган пуллар ҳисобига "айшини сурган" бўлса-да, ҳуқуқни муҳофаза қилувчи органларнинг сай-ҳаракати билан унинг қилмишларига чек қўйилди. Унга нисбатан жиноят иши қўзғатилиб, суд ҳукми билан жавобгарликка тортилди.

Ноқонуний дисклар

Маълумки, ўзида кўплаб маълумотларни жамловчи диск воситалари барча ташкилот, корхона, муассаса, шунингдек, хонадонларимиздаги коммуникация технологияларида асосий ахборот ташувчи манба вазифасини бажарди. Шу боис, маълумотнинг бу турига нисбатан эҳтиёж кўнсанганга ор-тиб бормоқда.

Бироқ, айрим шахслар ноқонуний даромад олиш мақса-дидида, ҳеч қандай тегишли ҳуж-жатларсиз турли кинофильм-лар ёзилган дискларни сотиш-га ҳаракат қилишмоқда. Ана шундай фуқаролардан бири Асламбек Забировнинг (исм-фамилияси ўзгартирилган) бугун қилмишидан боши эгик. Унинг ўз хонадонидида бўш диск-ларга ҳар хил кинофильм ва клиплар ёзиб, уларни пойтахт-тимизнинг аҳоли гавҳум жой-ларида сотиш билан шугуллан-ди келганлиги аниқланди. СВОЖЖДЛҚК департаментининг Тошкент шаҳар бошқар-маси ходимлари томонидан

ўтказилган тезкор тадбирда ҳуқуқбузарнинг қинғир иши фoш этилди.

А.Забировнинг уйи кўздан кечирилганда, бу ерда 21 дона дискларга тез ёзадиган қурил-малар жойлаштирилган компь-ютер процессори, рангли принтерлар ва жуда кўп мик-родордаги кинофильмлар ва клиплар ёзилган тайёр диск-лар, бошқа зарур қўлбола мос-ламалар, техник воситалар борлиги аниқланди. Қонунга хилоф равишда иш тутган ҳуқуқбузарнинг уйдан 19 млн. сўмга яқин товар-моддий бой-ликлар ашёвий дaлil сифати-да олинди. Ушбу ҳолат юзаси-

Абдулхай ХОДЖАЕВ,
Бoш прокуратура ҳузуридаги
СВОЖЖДЛҚК департаменти бўлим
катта инспектори

дан жиноят иши қўзғатилиб, суд томонидан қонунбузарга нисбатан тегишли жазо тайин-ланди.

Бугун маънавиятимизга пу-тур етказувчи, халқимизга ёт маълумдаги фильмларнинг элек-трон нусхаларда ёйили-шида ноқонуний равишда му-омалага киритилаётган диск-ларнинг таъсири жуда катта эканлиги барчамизга маълум. Боз устига бу билан муаллиф-лик ва турдош ҳуқуқлар ҳамда истеъмолчиларнинг қонуний манфаатлари қўпол равишда бузилмоқда. Ана шу меъёрий қонун-қоидаларни четлаб, осон даромад олишни кўзла-ган кимсалар, албатта, қонун олдида жавоб берадилар.

Истиқлол ҳар бир юртошимизга ўз иқтидорини намоён қилиш, ҳаётини тубдан яхшилаш, бунинг натижасида фар-вон турмуш кечириш имконини бери. Бугун барчамиз бу неъматни ҳис қилиб, самарасини кўряпмиз. Мустақиллик ту-файли фуқаро ўз тадбиркорлик фаолиятини қонуний йўлга қўйгани ҳолда ишлаб чиқариш, савдо-сотик, чет давлатлар билан ҳамкорликда иш юритиши учун барча ҳуқуқий асослар яратилди. Бироқ ана шундай қулайлик ва имтиёзлардан унумли фойдаланиб, белгиланган савдо қоидаларига амал қилган ҳолда фаолият юритиш ўрнига қонунларни четлаб ўтиб тадбиркорлик билан шугулланаётган фуқароларимиз, афсуски, ҳамон учрамоқда.

Қонунга хилоф икки ҳолат

СВОЖЖДЛҚК департамен-ти ва вилоят солиқ бошқар-маси ходимлари ҳамкорлик-да тадбиркорлик субъектлари томонидан савдо қоидалари-га амал қилинишини таъмин-лаш мақсадида ўтказган тад-бирда Шовот туманидаги озиқ-овқат дўконидида мазкур қоидалар мунтазам бузиб ке-линганлиги маълум бўлди. Хусусан, тадбирда 200 минг сўмлик спиртли ичимликлар сотиб олган фуқарога сотув-чи томонидан касса чекининг берилмаганлиги аниқланиб, савдо дўкони кўздан кечи-рилди. Шу билан бирга, сав-до пуллари тегишли тартиб-да кирим қилинмаганлиги, кассада эса 2 млн. 548 минг сўм нақд пуллар мавжудлиги, қолаверса, озиқ-овқат маҳсу-лотлари сотишга мўлжаллан-ган дўконда спиртли ичим-ликлар сотиб келинганлиги ҳам маълум бўлди.

Дўкон эгаси Жасур Норме-тов яқка тартибда савдо-воси-тачилик фаолияти билан шу-гулланиб келгани ҳолда му-қаддам 2014 йилда жиноят ишлари бўйича Шовот туман суди томонидан жарима жазо-сига тортилган экан.

Халқимизда "Яхши отга бир қамчи..." деган гап бор. Қўлланилган жарима Ж.Нор-метовга ўз фаолиятини туб-дан ўзгартириши учун асос бўлиб хизмат қилиши лозим эди. Аммо ўз ўз билгандан қолмади. Озиқ-овқат савдоси-дан келаётган даромаддан

Сарвар ЭШЧАНОВ,
СВОЖЖДЛҚК департаментининг
Шовот туман бўлими бошлиғи

қоникмаган тадбиркор спирт-ли ичимликлар савдоси бил-ан шугулланган экан.

Аслида, спиртли ичимлик-лар қонун ҳужжатларида бел-гилаб берилган жойда соти-лиши лозим эди. Ж.Норме-товнинг савдо дўконидида эса 14 хилдаги 1 млн. 618 минг сўмлик спиртли ичимликлар борлиги, ҳатто уларнинг яроқ-лилик муддати ўтганлиги ҳам маълум бўлди. Ҳа, мўмай да-ромадга бўлган иштиёқ ту-файли Жасур тап тортмасдан ноқонуний фаолият билан шугуллангани қандай, инсон соғлиғи учун хавфли бўлган маҳсулотни савдога чиқарди. Қилмиш қидирмиш. Ж.Нор-метов қилмишлари учун қо-нун олдида жавоб берди. Шу-нингдек, департаментнинг Шовот туман бўлими томони-дан олиб борилган тезкор тадбирда сохта тадбиркор Ойгул Нуржонованинг ҳам қилмишлари фoш бўлди. У 100 литр пaxта ёғини 500 минг сўмга сотаётган пайтда қўлга олинди. Аёл на савдо-сотик ҳуқуқини берувчи ҳуж-жатга, на махсулотнинг сифат сертификатига эга эмасди. Инсон соғлиғига зарар кел-тирувчи маҳсулот сотган эди. Аммо ўз ўз билгандан қолмади. Озиқ-овқат савдоси-дан келаётган даромаддан



Зарарни ундириш ўрнига...

Ҳасан НАРКУЛОВ,
СВОЖЖДЛҚК департаментининг Чирчиқ шаҳар бўлими инспектори

Ҳар қандай жамиятда ҳам порахўрлик, тамағирлик ва кор-рупция кўринишлари билан муросасиз кураш олиб борила-ди. Шунинг учун ҳам бу каби иллатларга қарши бутун жами-ят билан биргаликда ҳаракат қилинмоқда.

Орамизда бундай иллат домига осонгина тушиб қолаётган-лар ҳам йўқ эмас. Мисол учун, фуқаро Зарина Махаматовага (исм-фамилиялар ўзгартирилган) нисбатан юритилган ижро ҳуж-жати бўйича суд ижрочиларининг Чирчиқ шаҳар бўлими томо-нидан 2 млн. 403 минг 968 сўм миқдоридидаги давлат божи ун-дириладиган бўлди. Ушбу пулни тўламаслик мақсадида унинг қизи Сабина Махаматова суд ижрочилари Чирчиқ шаҳар бўли-мида жамоатчи ходим сифатида фаолият кўрсатиб келган А.Содиқовга учрашади ва ундан бу суммани қамайтириб бе-ришни сўрайди. А.Содиқов эса бу ишни амалга оширишнинг ўзига яраша "ҳаражат"и борлигини кистириб ўтади. Яъни у 800 минг сўм берса, бу иш ҳеч қандай ҳарахатсиз битишини айтади. Бироқ А.Содиқов мақсадида эриша олмади. Қонунбу-зарнинг қилмиши ҳуқуқни муҳофаза қилувчи органлар томо-нидан ўтказилган тезкор тадбирда фoш этилди ва унга суд то-монидан тегишли жазо тайинланди.



Терма жамоамиз учинчи босқичда

Мағлубият билан бошланган ЖЧ-2018 саралашининг 2-босқичи Ўзбекистон терма жамоаси учун муваффақиятлар яқунланди. Илк учрашувда кутилмаганда Шимолий Корея терма жамоасига 4:2 ҳисобда имкониятни бой бериб қўйган вакилларимиз қолган барча учрашувларда ғалаба қозониб, гуруҳда 21 очко жамғарган ҳолда сўнгги босқичга йўл олдди.

Тан олиш керак, терма жамоа бошқарувига Самвел Бабаев келганидан сўнг ижобий натижалар қўлга киритилди. Бироқ жорий йилнинг март ойида ўтказилган икки учрашувда вакилларимиз у қадар ишончли ўйин намойиш қила оlishмади. Уйнинг 10 дақиқасидаёқ бир киши кам бўлиб қолган Филиппин терма жамоаси дарвозасини катта қийинчилик билан бир маротаба ишғол қила олган С.Бабаев шогирдлари 29 март куни Бахрай терма жамоасига қарши кечган учрашувда ҳам базур ғалаба қозонди.

Бахрайликлар билан бўлган учрашунинг биринчи бўлимида терма жамоамизнинг ўйини қовушди. Меҳмонлар мезбонларнинг ўйин бошидаги босимини бартафат этиб олишга, ўйин назоратини қўлга ола бошлаш-

ди. Буни кутмаган терма жамоамиз аъзолари устуңлиқни рақибларига топшириб қўйишди.

Иккинчи бўлимида эса Самвел Бабаевнинг шогирдлари биров ўзларига келгандек бўлди. Натижада Сардор Рашидовда дарвозани ишғол қилиш учун яхши вазиятлар юзага кела бошлади. Биринчисидан тезкор футболчимизнинг зарбасига аниқлик етишмади. Иккинчи вазиятни эса Сардор гол билан яқунлади. У жарима майдончаси ташқарисидан 2-3 нафар футболчини алдади ва чамаси 16 метрлардан зарба йўллаб, ҳисобни очди.

Гол уриб олинганидан сўнг терма жамоамиз аъзолари биров фаоллашгандек бўлишди. Бироқ бу ҳолат узоққа чўзилмади. Аксинча, меҳмонлар томонидан ташкил этилаётган ҳужумлар

хавфли кўриниш ола бошлади. Яхшиямки, бахрайликлар қулай вазиятлардан фойдалана оlishмади. Шу тариқа терма жамоамиз ғалабани сақлаб қолди ва гуруҳ голиби сифатида ҳал қилувчи босқичга йўл олди.

Ўзбекистон м.т.ж. — Бахрай м.т.ж. — 1:0

Гол: Сардор Рашидов (50-дақиқа)
29 март куни барча гуруҳларда сўнгги тур ўйинлари ўтказилиб, Осиё қитъасидан ЖЧ-2018 мусобақаси учинчи саралаш босқичига чиққан терма жамоалар номи маълум бўлди.

Унга кўра ўз гуруҳида биринчи ўринни олган жамоалар ва энг яхши натижани қайд этган тўртта иккинчи ўриндаги жамоалар кейинги босқичга йўл олди. Ушбу жамоалар — Ўзбекистон, Саудия Арабистони, БАА, Австралия, Катар, Хитой, Эрон, Япония, Сурия, Таиланд, Ироқ ва Жанубий Корея.


Мазкур терма жамоалар қуйидаги тартибда саватчаларга ажратилди.

- 1-саватча: Эрон, Австралия
- 2-саватча: Жанубий Корея, Япония
- 3-саватча: Саудия Арабистони, **Ўзбекистон**
- 4-саватча: БАА, Хитой
- 5-саватча: Катар, Ироқ
- 6-саватча: Сурия, Таиланд.

Ўз-ўзидан кўриниб турибдики, ҳал қилувчи босқичда қучсиз рақибнинг ўзи бўлмади. Ўзбекистон миллий терма жамоаси 2018 йили Россияда ўтказилган жаҳон чемпионатининг сўнгги босқич саралаш ўйинини 1 сентябрь куни Тошкентда Сурия ёки Таиланд терма жамоаларидан бирига қарши кечадиган баҳс билан бошлайди. Вакилларимиз сентябрь ойида яна битта, октябрда 2 та ва ноябрь ойида битта ўйин билан жорий йилдаги саралаш баҳсларида иштирок этади.

Эслатиб ўтамиз, Осиё қитъаси ЖЧ-2018 мусобақаси учинчи саралаш босқичига қўра ташлаш маросими жорий йилнинг 12 апрель куни Куала-Лумпур шаҳрида бўлиб ўтади.

«Гуанчжоу Эвергранд» Дани Алвесга харидор



Испаниянинг «Барселона» клуби ҳимоячиси Дани Алвес фаолиятини Хитойда давом эттириши мумкин. Бу ҳақда El Mundo Deportivo хабар бермоқда.

Манбанинг маълум қилишича, «Барселона»нинг чап қанот ҳимоячиси Дани Алвесга Хитойдан таклиф бўлмоқда. Унинг хизматларига «Гуанчжоу Эвергранд» қизиқиш билдирмоқда. Хитой клуби 32

ёшли футболчини ёзда сотиб олишни хошламоқда.

Эслатиб ўтамиз, Алвеснинг каталонияликлар билан тузган шартномаси 2017 йилнинг июнига қадар мўлжалланган.



«Ювентус» клуби раҳбарияти жамоа ҳужумчиси Альваро Моратани қўйиб юборишни истамаяпти.

Италия матбуотининг хабарига кўра, туринликлар 22 ёшли футболчини сақлаб қолиш учун «Реал»га қўшимча пул тўламоқчилар.

Маълумот ўрнида айтиш мумкинки, «Реал» ва «Ювентус» клублари ўртасидаги шартномага асосан мадридликлар Моратани 30 миллион евро эвазига қайта сотиб олиш ҳуқуқига эга.

Менхенгладбахнинг «Боруссия» жамоаси ярим ҳимоячиси Гранит Жака фаолиятини Англияда давом эттириши мумкин.

Жака Венгернинг «нишонидан»

Sky Germany нашрининг маълумотига кўра, «Арсенал» жамоаси бош мураббийи Арсен Венгер швейцариялик футболчининг отаси ва бошқа вакиллари билан учрашган ҳамда клуб раҳбарияти Жаканинг трансфери учун 43 миллион евро сарфлашга тайёргилини билдирган.

Эслатиб ўтамиз, Швейцария терма жамоасининг 23 ёшли аъзоси Жаканинг «Боруссия» билан шартномаси 2019 йилнинг ёзига қадар тузилган.

Унга Англиянинг бошқа бир жамоаси — «Манчестер Сити»дан ҳам жиддий қизиқиш бор. «Шаҳарликлар» ушбу ҳужумкор ярим ҳимоячи учун 50 млн. евро беришга тайёргили маълум қилинган.

Бундан олдинроқ, Жака болалигидан Англияда тўп суришни орзу қилиши ҳақида айтганди.



«Харидоргир» Обамянг

Дортмуннинг «Боруссия» клуби ҳужумчиси Пьер-Эмерик Обамянгга «Арсенал» клуби қизиқиш билдирмоқда.

Маълумотларга қараганда, габонлик футболчи «канонирлар»нинг ёзи трансфери пайтидаги асосий мўлжалга айланган. Футболчининг трансфери 80 миллион евродан 100 миллион еврогача баҳоланмоқда.

Ўз навбатида мазкур футболчи Испаниянинг «Реал» Мадрид жамоаси ҳам жиддий қизиқиш билдирмоқда. Кўрамиз, яқунда габонлик футболчини қайси жамоа «илиб» кетар экан.

Эслатиб ўтамиз, Обамянг Германия чемпионатининг ушбу мавсумида «Боруссия» сафида 25 та ўйинда майдонга тушиб, 22 та гол урди ва 6 та голга ассистентлик қилди.

«Ливерпуль» Гётцени кўзламоқда

Англиянинг «Ливерпуль» клуби мутасаддилари ёзда «Бавария» жамоаси ярим ҳимоячиси Марио Гётцени қўлга киритишга ишонмоқда.

Германиялик футболчи аввалроқ «Боруссия» клуби сафида Юрген Клопп билан бирга ишлагани боис, мерсисайдликлар мазкур трансфери амалга ошириш мумкин, деб ҳисоблайдилар.

«Бавария» жамоаси Гётцени 30 миллион фунтга сотишни режалаштираётган бўлса, «Ливерпуль» футболчи учун 15-20 миллион фунт тўламоқчи.

Эслатиб ўтамиз, аввалроқ Гётце «Боруссия»га қайтиши мумкинлиги ҳақида хабар тарқалганди.



Мақсудли КАМБАПОВ тайерлади

Ҳуқуқ

yuridik gazeta
Muassis:
O'zbekiston Respublikasi Bosh prokuraturasi

Bosh muharrir:
Jahongir MAKSUMOV
Tahrir hay'ati:
Hakimboy HALIMOV Baxtiyor NAZAROV
Gulnoza RAHIMOVA (Bosh muharrir o'rinbosari)
Kamoliddin ASQAROV (mas'ul kotib)

Tahririyat manzili:
Toshkent shahri, Yahyo G'ulomov ko'chasi, 66-uy.
Telefon: 233-98-40, 233-10-53, 233-64-85
Faks: 233-10-53, 233-64-85
E-mail:
huquq@huquq-gazeta.uz
Gazeta haftaning payshanba kuni chiqadi. Sotuvda kelishilgan narxda

Tahririyatga kelgan qo'yomalar taqdir qilinmaydi va egalariга qaytarilmaydi. Muallif fikri tahririyat nuqtai nazaridan farglanishi mumkin.
«HUQUQ» materiallarini ko'chirib bosish faqat tahririyat ruxsati bilan amalga oshiriladi.
□ — tijorat materiali.
Reklama materiallarining mazmuni uchun tahririyat javobgar emas.
Nashr ko'rsatkichi
231

Buyurtma s-5541. 44 602 nusxada bosildi. Gazeta tahririyat kompyuter bazasida terildi va sahifalandi. «HUQUQ» original maketi.
Navbatchi muharrir: G'.ALIMOV
Sahifalovchi: S.BABAJANOV
Navbatchi: O'.DEHQONOV
Bosmaxonaga topshirish vaqti: 22.00. Topshirildi: 20.00 1 2 3 4 5 6 7 8 9

Gazeta O'zbekiston Respublikasi matbuot va axborot agentligida 2009-yil 12-oktabrda O'188-raqam bilan ro'yxatga olingan.
ISSN 2010-7617
9 772010 761004